

**1884** Un moé apreü l'vinte, éch quatore éd séctème, éch départémint d'Oése i singne éne convintion avec échtilo d'Seine-et-Marne et pi avec échtilo d'Seine-et-Oése. Chl'écrit il est du meume sorte qu'échti d'édvant, pi ch'est coér li qu'i tient innhui (avec un molé d'arrangements qua meume !). Achteure ch'est chl'Asile éd Clarmont".

**1889** Él preume éd janvier, o songne quatore chint trinte-sept malades din chl'établachmint. Éndin, i y o onze chint soéxante-treize paures lazères, et pi i y o étou vingt-troés pansionnaires éd la heute, qu'i rést't à pèrt eux din leus tchotes moaisons avec leus varlets à main. Chl'énée lo, chl'asile al imploée deux chint vingt-neuf parsonnes doù qu'i y o deux docteurs in chéf, deux docteurs abjoints, quate intèrnes éd métecine, dix surveilleus, et pi coér tous chés pitchoères...

**1922** Deux chints plaches i sont inéudjurées. Ch'est ch'preumier coeup dpi 1887 qu'échl otchupation a rdéchiné tout d'meume à chint du chint. Mais a n'duro mie.

**1933** Ch'rapport éd chés docteurs i foait montrer qu'"pour chonq malades atcheuillès, i y én o deux in trop vu ch'qu'échl asile al peut tnr." Des nouveux batimints i sont ahansés, surtout du coté d'Fiz-Jame.

**1940** Oz arrive écht énée lo à 4444 malades. Ch'est chl'écord. L'deuxième djèrre a sro éne rude décarsure pour noz établachmint. O savons cmint qu'chés Nazis i s'y imploéyoait à l'inconte éd chés déssinsés. I n'ont poé foait du meume pèrè in France éq din leu poéyi, seulmint a n'est poé miu : iz ont tchitté chés gins aglaver d'faim à chl'hopital ! D'éch coeup lo, in 1942, un quart éd chés malades iz ont défuncté su plache.

Au rapreü-djèrre i feut qu'o rbaliche pi qu'o radiable tout partout. Ch'est qu'i feut nin voloér pasqu'a n'est poé des pu aisé à ch'momint lo. D'autant qu'i y o d'pu in pu d'efants qu'i naiss't à l'intour éd Pèris, pi coér pu pire din la Seine-et-Oése. A foait qu'ichi l'foule a n'décèsse éd forchir.

**1962** Chl'asile al s'in vo rchuvoér quate mille malades. Al n'o portant qu'deux mille chint quatore lits. Sans sn'aise, o manque éd toute : poé d'intrinchillages médicaux, poé d'plache, poé d'monde assez. À ouvrièr comme o long dl'énée, oz est inchné pi a vient ténant. Est nuisibe à chl'éronnée d'échl hopital qu'il o portant dl'èrsorce pour aboénir chés soins pi pour aller dl'avant.

Comme d'effet, à Clarmont o n'mantchoait point d'imaginer des nouveutès :

**1896** chés sarvices éd chés éfants i sont déssépèrés d'chéto d'chés gins ;

**1928** o monte éne école d'apprentissage pour chés pitchoères ;

**1932** chés docteurs iz austclult' spécialmint pour chés éfants du déhor. Biéto chés gins du déhor i varont étou ;

**1938** ch'est chl'énée lo qu'o dmande échl noivieu "sarvice ouvért à tértous", seulmint, rapport à la djèrre, i n'voéro l'jour qu'in 1952 ;

**1946** ch'noivieu rapport éd chés docteurs i préche pour éne décopure d'échl hopital in tchots "sécteurs". I sont bien in avanche su leu temps, vu qu'i feuro attinde él cirtchnaire d'éch tchinze éd mars 1960 pour mette in route à Clarmont, et pi din tous zz'eutes hopitals épsychiatriques, échl époque modèrne, échlo d'éch :

"Sécteur" ...

# Ch'musèe Henri Theillou

Tornure in picarà, értèrèhite pèr Jean-Luc Vigneux - Ch'Landroun, 80100 Adville

Oz ons ichi un musèe d'échl épsychiatrie qu'il est  
lanchè au bieu mitan  
d'échl Hopital d'Clarmont d'Oése



Henri THEILLOU il o tète viche-pèrsidant d'éch Conseil d'annünistracion dpi 1978 dusqu'à 1998.

À fil à mzure, o raviserez dz'images, des clichés, des tchots films éd vidéo, dz'atitufes, pi d'quoè foaire éch tripot o bien avoér soin à chés gins. Chés ramintuvries i sont aplachées au tchœur d'échl hopital qu'il est lo dpi pu d'deux chints ans.

No musèe i rassame tous chés menièrres d'apèrinder chés folies, pi il asplique écmint qu'oz o traché à zzés songner dpi La Révolution, dusqu'à innhui.

I s'adrèche à chés étudieus, à chés tracheus et pi à chés gins d'métier, bié seur, mais i touche coér étou n'importé tchéche qu'és tcheuriosité al lè rattrive ichi.

**No musèe il est banal tous chés mardis.  
Chés gins rgrouvés, i n'ont qu'à leuz anoncher à l'avanche  
pour povoér évnir durant éne eute journée.  
Vo visite al sro djidée.**

2 rue d'chés Finets - 60600 Clarmont d'Oése. Tél. 03 44 77 50 00

<http://www.musee-theillou.fr>

Boète E : [musee.psychiatrie.theillou@chi-clermont.fr](mailto:musee.psychiatrie.theillou@chi-clermont.fr)



# Un établichmint privé dpi La Révolution dusqu'in 1884...

## Ch'couvint d'chés Cordeillers à Boulincourt, din l'foéreur d'Hé-Froédmont



**1790** Ch'couvint Notrè-Dame d'él Warde, din l'foéreur d'Hé, à éne agambée d'échl écart éd Boulincourt, i frème. Chés gins qu'iz étoait éternus lo dsu l'orde d'éch roé d'France, i sont déllbarès. Ch'père supérieur, **Éloi TRIBOU**, pi tous chés frères Cordeillers d'éch couvint à quant li, i dénonch'té leus vœux. Aspindant, TRIBOU i n'sé tire poé d'ses frappes. Adon i resté lo tout seu, à warder d'sin miu éne coupe éd déssinsès qu'leus gins i n'ont poé vnu rtchére. TRIBOU i s'ingine à ch'qu'a fuche légalisé. Pour o, i décide éch povoér révolutionnaire d'sorte qu'il atampiche lo éne "Maison Nationale d'él Warde". Ch'est li, TRIBOU, qu'i nin sro ch'dirigeu.

**1793** Eloi TRIBOU i s'mérie avec éne éri-gieuse ércivilée, Marie-Sophie d'BRAINE. Insanne iz éront éne fille : **Aimée-Désirée TRIBOU**.



*Un torchon lumion démuchié din ch'couvint  
durant chés trachries archéologiques.  
Il o tè passé amiteusemint à no musée  
pér el Municipalité d'Clarmont*

**1799**

L'Maison d'él Warde ch'étoait éne éd chés six chints maisons d'forche d'éch roéyeume éd France. Al rinfreumoait coér échl énée lo éne trintainne éd prisonniers. Él pu souvint, ch'étoait rapport à éne lètte éd cachet qu'i s'étruvoait éndin. L'mitan d'chés gins ch'étoait des déssinsès, qu'iz avoait él droét d'leu proumner din l'belle foéreur o bien à l'intour d'échl intaille d'él Warde. Pour nin définir, éch couvint i sro rvindu din chés Biens nationaux. D'éch cœup lo, **Éloi TRIBOU** i décampro pour évnir s'étnir à Clarmont, rue d'chés Finets, à douz noz Hopitau il est coér innhui.

**1820**

Échl officier d'santé **Gustave LABITTE** et pi **Aimée-Désirée TRIBOU** i leu mèn't insanne.

**1830**

**Gustave LABITTE** i foait atampir des nouveaux batimints. In 1831, il est d'intinte avec éch Préfet d'Oésee pour povoér atcheuiller ndin chés paures lazères d'éch départémint. In 1832, i s'accorde étou avec éch préfet d'la Seine-et-Oésee, et pi in 1833 a sro avec échti d'la Sonme.

**1842**

Él fiu **Gustave LABITTE**, **Auguste-Delphé** i rprind ch'cordieu. Sin moétié, **Gustave-Éloi LABITTE** i vient docteur in chéf. Achteure, i y o chonq chints malades din leuz établichmint.



*Gustave Éloi  
LABITTE*


*Auguste Delphé  
LABITTE*



**Ch'l'estchulture  
et pi ch'rétroér  
sont à vir à  
fil éd vo visite**

**1847**

Ch'l'établichmint i s'alèrdjit din ch'l'écart d'él "Blanchisserie" à Fiz-Jame. Ch'est **Alexandre LABITTE**, un eute frère éd chés deux moétiés, qu'i sro ch'dirigeu d'él "Colonnie agricole" comme o dit pèr là bos. À compter d'lo chés deux indroèts i rassant't in toute quasi sept chints malades.



**1851**

**Jules LABITTE**, éch quatrième frère, i prind in main l'Colonnie agricole et pi frutièrre éd Clarmont.

**1862**

O racate él cinse éd Villèr-édsous-Ércy pour povoér y foaire éd'l alvage et pi d'él tchulture..

**1880**

Un d'chés malades il est occi pèr un moaité éd tchulture. Ch'est ch'passe-route ! Chés **gins LABITTE** i doétté leu résoude à vinde leuz établichmint à ch'départémint d'Oésee pour quate miyons d'Francs-or. À compter d'éch momint lo, ch'l'établichmint i sro public. Chés départémints d'Seine-et-Oésee et pi d'Seine-et-Marne i sont inguémés din ch'cœup lo eux étou. À ch'momint lo, o décompte à l'intour éd quatore chints malades din ch'l'établichmint qu'i tient su chonq chint six hectares..



**1884**

**L'maison d'chés frères LABITTE qu'a  
varé ch'l'"Asilé éd Clarmont"**